

元始無量度人上品妙經卷之五十二

玄明洞淵品

道言昔於紫元天中綠景空歌太晨光土受元始度人玄明洞淵無量上品元始天尊當說是經周迴十過以召十方始當詣座天真大神上聖高尊妙行真人玄明洞淵五靈玄老水帝八方九海洞淵龍王水官四十二曹江河泉源官屬將吏無鞅數衆昇空而來流雲靄霧繫玉之輿玄明之輦紫蓋神輪洞霄垂蔭流虹寶光萬色鬱勃洞煥太空五日五夜諸天日月星宿象沈海影綢繡玉樞珠暈璣徽停輪駐耀神宮鎮靜靈嶽收雲天浮八騫氣清九野一國地土山川林木緬平一等無復高下土

道藏輯要

度人妙經

七

元集四
x18

明玉晶無有異色眾真侍座元始天尊玄坐空浮三光七變靈鼈寶座之上說經一遍諸天大眾同時稱善是時一國男女歸依元始玄明洞淵之法悟此生元先從珠露說經二遍信知眞水變化無窮說經三遍知見柔明利物幾道說經四遍思念生宮初降洞淵之氣腎華甲坼神龜漾遊說經五遍心穴宏敷靈潮機動玄明散液萬竅滋流諦觀靜念體妙無爲說經六遍天靈澄湛明可分神一一玄中具我身相說經七遍洞淵靜碧龍神奉教說經八遍海雲擎露甘液潤生說經九遍水光發爛宮殿千層中有天民咸悟道法說經十遍玄明之氣化成紫雲普覆諸天現無爲海幽沈苦爽解脫逍遙是時一國是男是女莫

不傾心皆受護度咸得長生。

道言是時元始天尊說經一遍東方無極無量品玄明洞淵至
真大神無鞅之眾浮空而至說經二遍南方無極無量品玄明
洞淵至真大神無鞅之眾浮空而至說經三遍西方無極無量
品玄明洞淵至真大神無鞅之眾浮空而至說經四遍北方無
極無量品玄明洞淵至真大神無鞅之眾浮空而至說經五遍
東北無極無量品玄明洞淵至真大神無鞅之眾浮空而至說
經六遍東南無極無量品玄明洞淵至真大神無鞅之眾浮空
而至說經七遍西南無極無量品玄明洞淵至真大神無鞅之
眾浮空而至說經八遍西北無極無量品玄明洞淵至真大神

道藏輯要

度人妙經

太

元集四
X三

無鞅之眾浮空而至說經九遍上方無極無量品玄明洞淵至
真大神無鞅之眾浮空而至說經十遍下方無極無量品玄明
洞淵至真大神無鞅之眾浮空而至十遍周竟十方無極玄明
洞淵至真大神一時同至一國男女傾心歸仰咸相議言元始
天尊來降此天百寶紫元天宮爲諸仙眾顯揚玄妙五行眞水
之法其氣名曰玄明洞淵我聞玄明爲眞水之德形色俱美洞
淵爲眞水之量幽深無涯若以我等所見五行之水滔天洋洋
洪浩不測不知無形五行謂之眞水名曰玄明洞淵作何體狀
天地未分先有眞土土能固攝十方上下其中眞水無量無邊
風氣鼓之凝爲萬物是生命本爲大道元始天尊今日宣演五

行無形真氣之妙我若得聞自得超昇神霄上境皆當朝禮天尊覬獲大慈遺我勝法作如是說敬禮再拜來者有如細雨密霧無鞅之眾進國一半土皆偏陷非可禁止於是元始懸一寶珠大如黍米在空玄之中去地五丈元始登引天真大神上聖高尊妙行真人玄明洞淵五靈玄老水帝八方九海洞淵龍王水官四十二曹靈司掾吏無鞅數眾俱入寶珠之中天人仰看惟見勃勃從珠口中入既人珠口不知所在國人廓散地還平正無復缺陷元始即於寶珠之內說經都竟眾真監度以授於我當此之時喜慶難言法事粗悉諸天復位倏欵之間寂無遺響是時天人遇值經法普得濟度全其本年無有中傷傾土歸道藏輯要

度人妙經

九

九集四

仰咸行清淨妙靈智心心行如水利澤無盡明一明順明通明照明智明慧明辯明道明玄明空心無留滯默契玄妙同造杳冥深悟至要國安民康逍遙太平經始出教一國以道預有至心宗奉禮敬皆得度世

道言元始天尊說經中所言並是諸天上帝內名隱韻之音亦是真王內諱白靈之隱名也妙化無形真水玄明洞淵之法夫玄明爲水之情性洞淵爲水之室宅流則爲智靜則爲慧流故能通靜故能照爾能體之自然得道天地以靜真水生民物以靜真水行燥熱爲火靜寒爲水燥可勝寒靜可勝熱真水生故也爾若安靜真水自行變化日生靜爲命元靜則長生非世之

常辭上聖已成真人通玄究微能悉其章誦之十過諸天遙唱
萬帝設禮河海靜默通導淵源日月合度璇璣不行羣魔束形
鬼精滅爽回屍起死白骨成人至學之士誦之十過則五帝侍
衛三界稽首魔精喪眼鬼祆滅爽濟度垂死絕而得生所以爾
者學士穢氣未消體未洞真召制十方威未制天政德可伏御
地祇束縛魔靈但卻死而已不能更生輕誦此章身則被殃供
養尊禮門戶興隆世世昌熾與善因緣萬災不干神明護門斯
經尊妙獨步玉京度人無量爲萬道之宗巍巍大範德難可勝
道言凡誦是經十過諸天齊到水帝列言泉曲悉宥開朗冥關
億曾萬祖幽魂苦爽皆卽受度上昇朱宮格皆九年受化更生
道藏輯要

度人妙經

三

九集四

入三三

得爲貴人而好學至經功滿德就皆得神仙飛昇金闕遊宴玉
京也上學之士修誦是經真水上應五臟育嬰昇入泥丸玄霜
紫冰皆卽受度飛昇南宮世人受誦則洞靈激奔神泉八周益
軀生神延壽長年後皆得作尸解之道魂神暫滅不經地獄卽
得返形遊行太空此經微妙普度無窮一切天人莫不受慶無
量之福生死蒙惠上天所寶不傳下世至士齋金寶效心盟天
而傳輕泄漏慢殃及九祖長役右官侍經五帝玉童玉女各六
十四人營衛神文保護受經者身

道言正月長齋誦詠是經九變三眞澤及重泉爲上世亡魂斷
地逮役度上南宮七月長齋誦詠是經真水出胎道受永年身

得神仙諸天書名黃籙白簡削死上生十月長齋誦詠是經復
本還源功歸上玄總攝正氣統御高仙爲國主君臣父子
安鎮國祚保天長存世世不絕常爲人君安鎮其方民樂太平
入節之日誦詠是經神泉流轉玉關冲盈得爲九宮真人本命
之日誦詠是經眞水清明內照形神出紫入黃五臟生英魂神
澄正萬氣長存不經苦惱身有光明三界侍軒五帝司迎萬神
朝禮名書上天功滿德就飛昇上清

道言行道之日皆當香湯沐浴齋戒入室東向叩齒三十二
通上聞三十二天心拜三十二過閉目靜思身坐青黃白三
色雲氣之中內外菁冥有青龍白虎朱雀玄武獅子白鶴羅

道藏輯要

度人妙經

三

九集四
川三

列左右日月照明洞煥室內玄明洞淵之氣狀如紫煙羅絡
交灌洞見百神項生圓象光映十方如此分明密咒曰

無上玄元太上道君召出臣身中三五功曹左右官使者侍香
玉童傳言玉女五帝直符直日香官各三十二人關啟所言今
日吉慶長齋清堂修行至經無量度人願所啟上徹徑御
無上三十二天元始上帝至尊几前畢

引炁三十二過東向誦經

元始無量度人上品妙經

元始洞玄靈寶本章玄明洞淵上品泉關度人蒼華隱韻肇氣自然混合玄明虛無至真一元立本二氣始陳至陽下降純陰上昇天真開發包絡飛騰元和大朴流結冲融氣達崑丘精通如泉泉號玄明積爲洞淵洞淵生龍龍爲玄蟲九首兩翼金額銅胷恍惚之中變化神通主持氣母宰育羣容品物旣宣玄道亦傳元始祖劫化生諸天玉光開景是植玄根元氣爲祖惟道爲身大明結華華芒蔚文五官建立變化神靈是爲大梵天中之天鬱察玄峯龜臺玉城上極元景泰洞高眇眇曆紀劫刃飛精三華廣堂虛梵琳庭金闕丹陽耀寶神池降注天液保度道藏輯要

度人妙經

三

元集四
X 88

無衰玄明成靈流空洞淵洞淵無極九壘剛源變化之妙昇入九天周行正氣運轉天關中有玄明洞淵之神中有南極長生大帝中有東極青華帝君中有度世司馬大神中有好生韓君丈人中有玄上司變司化持天保劫大洞尊神迴骸起死無量度人今日校錄諸天臨軒

東方無極飛天玄明洞淵神王長生大聖無量度人
南方無極飛天玄明洞淵神王長生大聖無量度人
西方無極飛天玄明洞淵神王長生大聖無量度人
北方無極飛天玄明洞淵神王長生大聖無量度人
東北無極飛天玄明洞淵神王長生大聖無量度人

東南無極飛天玄明洞淵神王長生大聖無量度人
西南無極飛天玄明洞淵神王長生大聖無量度人
西北無極飛天玄明洞淵神王長生大聖無量度人
上方無極飛天玄明洞淵神王長生大聖無量度人
下方無極飛天玄明洞淵神王長生大聖無量度人

十方至真飛天神王長生度世無量大神並乘明雲紫淵之輿
青玄玉輦鳳蓋蜺輪驂駕九鳳七色蒼龍建汗漫總靈之節十
方洞淵之旛前嘯眾真齊唱後吹列羽同鳴獅子白鶴嘯歌
囉大帝啟途千官翼轅億乘萬騎浮空而來傾光回駕監真度
生太玄丞相賜谷靈宮玄司主錄下元水官執錄把籍齊到帝
道藏輯要
度人妙經
三
元集四
前默召玄明制地參天萬生被浹枯涸生泉玄明真水凝化億
門高嶽巨山寶闕珍林皆資玄明結固變成九河水帝玄津大
神上循閭崑十二洞樓絳海黃池素波紫川骨練金石面流渥
丹長生隱僊司命帝闕隨所應度嚴校諸天普告三界無極神
鄉泉關幽夜北闕豐都四空大帥六洞靈魔寒夜暗域考察玄
司四瀆七澤十二谿真上解祖考億劫種親疾除罪簿落滅惡
根不得拘留逼合鬼羣洞淵符命時刻昇遷九源玉池部衛形
魂制魔保舉度品南宮死魂受鍊遷變成人生身受度劫劫長
存隨劫輪轉與天齊年永度三途五苦八難超凌三界逍遙上
清上清之天天帝厚冲無色之境梵行

東方八天

龍明瑞玉天

帝肅辭祕登

滋慶道炁天

帝承翰鴻暉

玉真辨玄天

帝殿運睇逢

流華注靈天

帝無惟育光

崇延竟祝天

帝盟章奉高

理懷變化天

帝玄玄鑒侯

雲府降澤天

帝執珠登全

道英晶无天

帝爽造延士

南方八天

道藏輯要

度人妙經

雷

九集四

珪辰鎮陽天

帝錄莊修皇

赤射飛光天

帝保氣曜備

洞溪迎龍天

帝對榆倚玄

化國雲宮天

帝尙丁惟寧

照玄生氣天

帝著時量瓊

天英和液天

帝生演輔童

龍肖溢真天

帝拂化慈元

聖正仙期天

帝洞梁無瓊

西方八天

毫靈伯江天

帝足宗寧方

金根養炁天

帝道微斥廬

立合流素天

帝廣淡題徊

朝仙變瀆天

帝優立賜封

契真恭淨天

帝翻山白從

迂寂思冲天

帝濮并屏閭

逐神化幾天

帝妙洞止評

洋思定歷天

帝籌突紀庸

北方八天

寶笥扈書天

帝拂億蠢茲

列源正一天

帝命仙儀中

道藏輯要

度人妙經

三

九集四

瑤光述液天

帝逸常京

昌奎理和質天

帝隨洪次章

攝司會光天

帝召神略玄

祈聖格淵天

帝昌回敷紳

現龍降河天

帝擇毗衍門

幾紀因盟天

帝孚廷剛

三十二天三十二帝諸天隱諱諸天隱名天中空洞自然靈章
玄明隱韻洞淵之音玄明之尊洞淵之神玄明真魔洞淵之靈
九品十階變化上清洞淵之奧深不可詳龍以水神風爲火靈
水中出火龍火水精真氣返覆敷落神真火中出水心動精成

天中之水子命之神若有能之普度天人今日欣慶受度飲咀
玄明身入洞淵歷關諸天請滅陰惡斬絕地根高超六氣神昇
太玄真王監舉無拘天門東斗蒼精西斗素童北斗玄真南斗
丹風中斗黃耀珠光化鎔如是神王居洞淵宮外玄內明八海
攸同一氣變形真水潛通天地合德萬物安豐生氣之海中有
九龍太霄合景上與天通身關大運六氣之真飈歛乘邁超遇
九神青帝生寬白帝育魄赤帝攝氣黑帝滋血黃帝正極肇立
真宅青帝龍王安寶飛華赤帝龍王元善鬱羅白帝龍王玄霄
玉霞黑帝龍王道柔顯和黃帝龍王甲建持波五帝龍王玄明
之靈生化洞淵飛行紫清總領真仙太上神兵麾幢鼓節遊觀
道藏輯要

度人妙經

三

九集四

杳冥白號赫奕諸天應機上天度人泉臺散開神王受命普度
災危玄獸吐毒神龍八馳玉甲秉鉞青童執旗擲火萬里流光
四施敢有干試拒遏上聖風刀奔突巨天橫飛流鈴交煥玄仙
振威千千截首萬萬滅形魔無干犯鬼無祆精三官北酆明立
嚴刑不得容隱金馬驛呈普告無窮萬神咸聽三界五帝列奏
大清

玄化九變洞極圓方生育神龍持運陰陽與道同範體正純綱
廣羅天關妙立無形造化之本雲雨所藏真水九淵回度元綱
渺渺曆劫混沌之中上玄爲色下河爲淵風轉玉輪威光戴天
一身九首蟠遶羣京蒼源瑤海龍嶽飛城天上天下無幽無冥

洋洋洞淵萬龍斯宮雲書玉字元始赤文保鎮下元護世長存
龍漢彌羅黃闕開張玄明流演九地九天輪轉包羅旋遶十方
履水結纏導化五常三十九氣昇降玉源九宮列職合會玄玄
玄居太微龍帝飛真泛景碧融執詠洞篇玉真明耀輝映玄明
空華御正純金散烟紫霄鬱陵輔衛高仙千和萬合化生流精
流精變液自然成真真中有神長生大君東極青華丹明紫靈
無英混極白元保生太一校籍青童灌津執符把籙保命生根
上遊紫虛出入華房八溟之內東井之中下鎮人身黃庭絳淵
中理五氣混合百神十轉迴靈萬品俱仙仙道貴生無量度人
上開八門飛天法輪罪福禁戒宿命因緣普受玄澤結鍊生身
身得受生上聞諸天諸天之上各有生門中有空洞謠歌之章
眞王靈篇辭參高眞

道藏輯要

度人妙經

卷

元集四
川文

第一玄明洞淵飛空之音

眞陽無形

憑玄明生

玄明眞露

氣噓乃成

太空無邊

元氣騰烟

氤氲迅飛

水降如泉

浩浩其聲

洋洋積淵

炎風入水

自然蜿蜒

數經九厯

鱗角乃全

倏忽變化

入地通天

口銜雲雨

身如玉竝

叱電吐霧

雷火之仙

經營萬物

開導生源

玄明之功

神龍爲先

洞淵溟海

注納百川

一水爲祖

中含五行

人身法象

神池淨露

震氣爲龍

遊泳三田

飛伏以道

世壽億千

無量度人

吟此洞篇

第二玄明洞淵真王之章

玉京崑崙

植空爲根

下跨碧海

九億之元

玄峯中峙

日月交軒

耀晶雙景

臨光七眞

流泉上升

三十九門

養鍊二象

賴此玄明

道藏輯要

度人妙經

卷

九集四

下包黃闕

統制靈官

圓羅降氣

攝御元君

一氣六纏

三元化成

出入三華

浩蕩風淵

絳霞鬱壘

流鈴四奔

生化之道

肇立神靈

哺餌元和

保天無傾

世有能知

青簡書名

我今爲此章

度命以眞水

飛步登神霄

仙眞當敬禮

第三玄明洞淵真王歌曰

揚舲洞淵池

青林振靈風

天聲自成音

萬變復以同

戔戔神霄闕

執誥東華中

度人迴清流

捨此百慮攻

玄明散天露

物體能滋融

鍊骨生玉華

長生得無憂

如何背仙道

濁穴隨尸蟲

不悟大道元

安能免衰凶

有山旋碧虛

有水藏神龍

胡爲逐貪競

沈穢老嬰童

我位空洞王

法駕嚴鼓鐘

憫世統大憲

救物興教宗

執詠玉真謠

飛昇洞玄宮

八難從此解

歡樂永無窮

此三界之上飛空之中真王歌音音參洞章誦之白遍名度南宮誦之千遍飛仙保迎萬遍道備超昇太空過度三界位登真

道藏輯要

度人妙經

元

元集四
X〇三

公有聞靈音魔王敬形勅制地祇侍衛送迎拔出地戶五苦八難七祖昇遷永離冥官覓度朱陵受鍊更生是謂無量普度無窮有祕上天文諸天共所崇泄慢墮地獄禍及七祖翁

道言此二章並是諸天上帝及至靈真王隱祕之音妙寂無形眞水化成天地出生神龍兆能體之神仙無終皆是大梵之言非世上常辭言無韻麗曲無華宛故謂玄奧難可尋詳上天所寶祕於玄都神霄玉清王府東華之室依科三萬七千年隨運下傳若有至人齋金寶質心依舊格告盟十天然後而付焉道言夫天地運度否終日月五星虧盈至聖神人休否末學之夫疾傷凡有此災同氣皆當齊心修齋六時行香十遍轉經福

德立降消諸不祥無量之文普度無窮

道言夫末學道淺或仙品未充運應滅度身經太陰臨過之時
同學至人爲其行香誦經十過以度屍形如法則玄明自生玄
冥自還腎中玉女手把陽關死戶閉塞三官舞輪返命復形錄
名帝軒竄神經上南宮隨其學功計日而得更生輪轉不惑便
得神仙

道言夫天地運終星宿錯度日月失昏四時失度陰陽不調國
境不和人民災饑疫毒流行兆庶死傷師友命過同志殞亡皆
當修齋行香誦經夫齋戒誦經功德甚重上消天災保鎮帝王
下禳毒害以度兆民生死受賴其福難勝故曰無量普度天人

道藏輯要

度人妙經

三

亢集四
三十一

道言凡有是經能爲天地帝主兆民行是功德有災之日發心
修齋燒香誦經十過皆諸天記名萬神侍衛右別至人尅得爲
聖君金闕之臣諸天記人功過毫分無失天中眞王亦保舉爾
身得道者乃當洞明至言也

諸天中大梵隱語無量音

道君撰

元始玄明洞淵靈書紫篇

東方八天

迺芹洒定

淵婁池溟

旣霸沔洩

留青濟眞

唐屏卞師

邀除止明

鬱落月肌

胡定杳征

命澤玄嶽

列淵自昇

雲茶帝嶼

利賓延承

洞假幽狄

越英仰靈

鑄晶漾口

道寂元經

南方八天

猛洪滋盈

力羗華營

建浦時會

洙玄伺膺

綠養漸宛

被盧次丁

蕩蒙愈謹

玉毫途平

赤宮赫蘇

元首氣靈

告命豐臺

帝師虎臣

祕魔截龍

撲雷收星

研期胡由

並愆思稱

道藏輯要

度人妙經

三

亢集四

1101

西方八天

眞庚六池

神虎四飛

栗洛衍覩

優正兵施

部亶吉會

耶帑露源

媻媽和廬

七元九司

考謝已扁

傲琅袁裴

王典罪冤

幽局圓登

頂角珍上

護眞載延

竊斷皇極

璽山封城

北方八天

蓬內伐北

旗翟遄車

翠儀交蔚

九化方諸

英丹心漑

滂潢玉羅

根納赤尾

火龍遊波

勝室耀蕩

兵府紀銅

黑遼追甯

建餘百聰

后爛水洞

瀋桓箕臺

勅催響尙

變仙神迴

道言此諸天中大梵隱語無量之音舊文刻書玄明北山龍阿
穴室之門爲萬物生根九天靈章其道禁諱隱奧無聞字皆廣
長一丈天真皇人昔書其文以爲正音有知其音能齋而誦之
者諸天皆遣飛天神王下觀其身書其功勤上奏諸天萬神朝
禮地祇侍門大功真王保舉上眞道備尅得遊行三界昇入金
門此音無所不辟無所不禳無所不度無所不成天真自然之
道藏輯要

度人妙經

三

亢集四

音也故誦之致飛天下觀上帝遙唱萬神朝禮三界侍軒羣祇
束首鬼精白亡琳琅震響十方肅清河海靜默山嶽吞烟萬靈
振伏招集羣仙天無氛穢地無祇塵冥慧洞清大量玄玄也